

INTERNATIONAL CRIMINAL TRIBUNAL
FOR THE FORMER YUGOSLAVIACHURCHILLPLEIN 1, P.O. BOX 13888
2501 EW THE HAGUE, THE NETHERLANDS
TELEPHONE: +31 70 512-5000
FAX: +31 70 512-8637TRIBUNAL PÉNAL INTERNATIONAL POUR
L'EX-YOUGOSLAVIECHURCHILLPLEIN 1, B.P. 13888
2501 EW LA HAYE, PAYS-BAS
TELEPHONE: +31 70 512-5000
FAX: +31 70 512-8637**Predmet br. IT-95-5/18-R77.3*****U predmetu za nepoštovanje Suda protiv Radislava Krstića*****JAVNO****ODLUKA****ZAMJENIK SEKRETARA,**

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu Pravilnik), a posebno pravila 44, 45 62(B) i 77 Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994., s naknadnim izmjenama i dopunama (dalje u tekstu: Uputstvo), a posebno članove 14(B) i 16(H) i Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom, koji je Međunarodni sud usvojio 12. juna 1997., s naknadnim izmjenama i dopunama;

UZIMAJUĆI U OBZIR Nalog umjesto optužnice izdat 27. marta 2013.,¹ kojim se tereti g. Radislav Krstić (dalje u tekstu: optuženi) za nepoštovanje Međunarodnog suda, kažnjivo po pravilu 77(A) i (G) Pravilnika;

UZIMAJUĆI U OBZIR da je prvo stupanje optuženog pred Sud zakazano za 4. april 2013.;²

IMAJUĆI U VIDU da se Pravilnik u dijelovima od četiri do osam primjenjuje, *mutatis mutandis*, na postupak na osnovu pravila 77 Pravilnika;

IMAJUĆI U VIDU da svaka osoba koja se tereti za nepoštovanje Suda ima pravo na dodijeljenog branioca u skladu s pravilom 45 Pravilnika ako ta osoba zadovoljava kriterijume za utvrđivanje slabog imovnog stanja;

¹ *U predmetu za nepoštovanje Suda protiv Radislava Krstića*, predmet br. IT-95-5/18-R77.3, javni Nalog *in loco* optužnice, 27. mart 2013.

² *U predmetu za nepoštovanje Suda protiv Radislava Krstića*, predmet br. IT-95-5/18-R77.3, javni Nalog o rasporedu za prvo stupanje pred Sud, 27. mart 2013.

Prijevod

IMAJUĆI U VIDU da prava optuženog na osnovu Statuta, Pravilnika i Uputstva moraju biti zaštićena dok on ne angažuje stalnog branioca ili dok mu se ne dodijeli branilac u skladu s pravilom 45 Pravilnika, te da pravilo 62(B) Pravilnika omogućava sekretaru da dodijeli dežurnog branioca u tu svrhu;

UZIMAJUĆI U OBZIR da je g. Tomislav Višnjić, advokat iz Republike Srbije, na spisku dežurnih branilaca predviđenom u pravilu 45(C) Pravilnika i da je on pristao da zastupa optuženog kao dežurni branilac;

OVIM DONOSI ODLUKU, na osnovu pravila 62(B) Pravilnika i člana 16(H) Uputstva, da optuženom dodijeli g. Višnjića kao dežurnog branioca koji će ga zastupati prilikom prvog stupanja pred Sud i u svim drugim stvarima prema potrebi dok mu se ne dodijeli stalni branilac, pri čemu ova odluka stupa na snagu danom donošenja.

/potpis i pečat na originalu/

Kate Mackintosh,
zamjenik sekretara

Dana 3. aprila 2013.
U Haagu,
Nizozemska